

مُلْتَزِمَةٌ وَلَكِنْ

!!...

لكل بنت نفسها تلتزم ومش قادرة ،ولكل بنوته  
على طريق الإلتزام لكن احبطها كلامهم واهتز  
التزامها، ولكل بنوته تايهه مش عارفة فين  
الصح وفين الغلط ، وليه الدنيا معقده لما هي  
صح وليه هي بتبرر الغلط مادام هي على  
الطريق الغلط ؟!

لكل بنت نفسها تقرب لكنها بتبعد  
لكل بنت بتحاول ، تعالى معايا وسوا هتحاول

نقرب

عشان نعرف نعيش بحب الله ♥

إهداء إلي :

من علموني الحب وسقوني إياه

بصدق

من اشادوا بالقلم وطلبوا المزيد بلا

ندم

من اشعلوا همتي وانا روا سُبُل دربي

من بهم اكرمنى الله فعرفت معهم

الحُب في الله

إلى أهل هى عفة ♥

## الفصل الأول



قالوا كثير و قليل عن دموع التائبين ..

على فكره يا مُلتزمه أنا أغبطك في الله

يا الله بتغبطيني كدهون مره واحده

أه أصلك أكيد جربتي دموع التائبين

تحشرج الكلام فى لسانها وأنهمرت الدموع على وجنتيها ،  
تحاول الفكاك من هذا الموقف والهَرَب من هذا الشعور الذى  
أحتل سائر جسدها والذى ألقى عليها بسؤال بريئ و نيه طيبه  
، فهل أنا حقًا بكيت الله خشيةً منه وهل أنا حقًا أخشى الله  
بحق !!

أنعدمت أمامها الرؤيه عندما تذكرت إنها مُسلمه ، مُسلمه  
ويُقال مُلتزمه ولكن لا تدري ما هو الإلتزام بعينهم ولماذا  
عليها أطلقوا تلك الكلمات!!

أنا فقط أودى الفروض أصلى وأصوم وأصل الأرحام  
أتودد للأحبه وأسعى للخير ولو بشق تمره وأجتهد فى النيل

## من بعض السنن!!

لماذا تُطلقون عليّ مُلتزمه وأنا لستُ بالتي تتوى في كل أمر  
تفعله ان يكون لله ولستُ ممّن تصوم طواعيه ولا تقوم ليل  
نهار ، لستُ بالساجده ، لستُ بالباكيه والناس نيّام ، لستُ  
بحافظة القرآن!!

سمعت همسٌ داخلها يقول ، بل لملايسك أطلق عليكِ مُلتزمه

..

صُعقت في جَلستها وقالت أى لبس هذا!!  
أنا فقط أرتدى ما أمرنى به الله أرتدى الحجاب الشرعى  
وأختمر كى أصون نفسى من ذئاب المُجتمع ، أنا فقط إنسانه  
بشر ، قُدم إلى دين وأسعى للنيل منه ولكنى مازالت منه  
واجهه ..

أخذت تتصبب عرقاً وتسير من بين خديها الدموع لتجتاز  
طريقها بكل صمود ، لتقف عند شفيتها ، وبسذاجه بريئه  
تلمست بتلك الدموع المالحه وأدركت كم هى مالهة على  
قلبها الذى أعتاد على أداء العبادات ولكنه ليس بنفسه ولكن  
بجسد حاملاً له ، تذكرت كيف هى تقف بين يدي الله بهذا  
الحال وفى نهايه المطاف يُقال مُلتزمه .

ودت لو صرخت بقلوب الجميع لتقول أنا إنسانه فلا تجعلوا  
الدين لي بمُلامه ، لا تقيسوا الدين عليّ ، فمثلى مثلكم  
أصيب وأخطأ ، ولكن قيسوه على أنفسكم ، فلن يُحاسب  
أحداً عوضاً عن أحد ..

تذكرت حينها قوله تعالى ( **وَكُلُّهُمْ آتِيهِ يَوْمَ الْقِيَامَةِ فَرْدًا** )  
إرتعش قلبها و زلزل سائر جسدها ليعلن من الآن عن فتاه  
جديده .  
فتاه أستوقفتها كلمه عابره بنيه

وقالت فى ندم وبُكاء : **الإلتزام ليس رداء الإلتزام حال قلب  
لله جاء !**



**الفصل الثانى**

\*\*\*\*\*

- بس .. بس .. بس

- مين اللى ببسبس على الصبح دا

- يا بنتى فوكك من إمتة بنبص ورانا ؟!

- بس .. بس .. بس .. يا ملتزمه أنتى !!

^^ بسرعه البرق نظر الفتاتان لتلك المناديه أو المبسبسه

- حضرتك تقصدينا إحنا ؟!

- أنا عاوزة أسألوكوا سؤال ممكن ؟

- اتفضلى .

أنا لما كنت ببسبس مكنتوش بتردوا ولما قلت ملتزمه -  
رديتوا ليه ؟!!

أصل من البسبسه دى فهمنا إن سورى يعنى حد مش كويس -  
بيتسلى وخلاص وإحنا من عادتنا مبنردش على الأشكال دى  
أصلا بس كده.

لكن لما قلتى ملتزمه إحنا بصينا حسينا بإحترامك

- وعرفتوا إني محترمه إزاي...؟! -

- من إنك قولتي ملتزمه حسينا إنك حد كويس لأن كلامك طيب

- أد كده الكلمه الطيبه بتجذب؟! -

-

😊 طبعًا يا حبيبتي دا العامل الأساسي لإقامه علاقات طيبه

- جاوبينا بقا ليه قلتي علينا ملتزمين؟ -

- هجاوب اللى بيدور فى عقلكم قبل ما أجاوب سؤالكم ^\_^

لأنكوا بتقارنوا نفسكم بأسماء المؤمنين وسلوكهم فاكريين  
نفسكوا طبعًا ولا حاجه عند ربنا بس انتوا مفكرتوش تعملوا  
زيهم!

تاني هعيد كلامي ، قارنتوا أعمالكوا بأعمالهم عشان كده  
خاب ميزانكوا وفاكريين أنكوا ولا حاجه عند ربنا لأنكوا مش  
زيهم!

والحقيقه إنكوا عمرکوا ما فکرتوا تکنونوا زیهم أو تتبعوا ما  
!! فعلوه وتتقوا الله فى أنفسکم

عشان كده بسهولة جدًا لقیتی الشیطان بیهتف فى ودنک

. أنتی ضعیفه -

. أنتی ولا حاجه -

. یاما بترجعی لربنا وبردوا بتغلطی -

. مهما حاولتی مصیرک الفشل -

. وفری على نفسك وجع القلب وعیشی وخلص -

بتز على انک كنتی محافظة على السنن ودلوقتی بقیتی تترکیها  
بالعمد.

. بیوجعک قلبک لما تفتکری إنک بتجمعی الصلاة -

بقا کل إسلامک مظهر إسمه رداء نقاب أو خمار ومن جوا  
ذنوب فى ذنوب فى ذنوب .

ممکن تكونی مش كده وأسأل الله أن لا تكونی كذلك .

بس عوزاكي تفكرى يعنى إيه ملتزمة ...؟

لأنك هتتصدمى فى نفسك

بصى يا حبيبتي ، إلتزام معناها أداء الفروض فقط ..

يعنى لو أنتي ملتزمة بالفرض اللى عليكى فالحمد لله إنتي ملتزمة مع ربنا باللى امرك بيه وطبعا الفروض مش صلاة وصيام وخلاص لأ ، دا فيه حاجات كتير اسمها فروض واخلاق الدين .. عندك صلة الرحم ، كف الأذى ، الأمر بالمعروف ، النهى عن المنكرات ، الدعوة بالحُسنَى ، تقديم النصيحة ... إلخ ( الدين اكبر من انى اجمعهولك فى سطرين فاعملى كل حابه حلوة واوعى تبخلى على نفسك بالأجر )

إلتزام مش معناها أحط فوق صدرك صخره أسمها الدين وأخذ الدين بيكى ، أو حتى أقيس عليكى الدين وأقول لو نجحتى نجح الدين ولو فشلتى فشل الدين !

الكلام ده تخلف إنتي إنسانة زيي تمام بتغلط وبتتوب ومن حقك تغلطي عشان تتعلمي وتجددى قلبك لطاعه ربنا ومن جديد تعلنى التوبة بقلب صادق لله.

أنا مش هقولك غير كلمه واحده بس

لو ملتزمة بفروضك فأنتي مسلمة تستحق لقب مُلتزمة ، وان تفضلتي بالمزيد فلكِ أجر .

لو ملتزمة بردائك وجواكى أسود من كتر ذنوبك فياويلك عند  
ربنا لو راضيه على حالك!

غلطتى يا حبيبتى وقصرتى بس لازم تتوبى

وأنا قدامك بعلن توبتى قدام ربنا وقدامك ..

اللهم إنى أستغفرك وأتوب إليك من كل ما يُغضبك عنى  
فتقبلنى وثب عليّ وإلى غيرك لا تكلنى يا الله . .



## الفصل الثالث



فتأتى الجميله صاحبه الرداء القويم مَن أرضت به ربها  
فلا وصانت به فرجها وحصنت بذلك عيون الخلق عنها  
ينظر إليها فاجر يريد النيل منها بل يسير من حولها ويُفسح  
مؤمنه الطريق لها أيمانًا بقوه إيمانها وحُسن طاعتها لربها  
فى زمن كثر فيه المُتبرجات أصحاب الخُلُق الدنيئ والملابس  
.. المُبهرجه

فلنلقى نظرةً عليها فى محراب علمها ( **جامعتها - مدرستها**  
- **درسها - كورساتها** ) لنرى كيف لها أن تتهاون عن عزتها  
.. ومجدها ، فخرها وأسمها ، بل وقدوتى فى عينها

لا أجد لأصواتك العاليه فى محراب علمك أو فى الطُرقات بُدً  
لا أعلم كيف ترفعين من صوتك والعامه حولك يا أختنا  
يمرون ، هذا يخفق قلبه من سماع أصواتك الرنانه وعذوبه

رقتك ، وهذا يتمنى لو أن يحظى بخطاكي لرقتك فى صوتك  
، فيقول فى نفسه هذا صوتها فكيف بها !! وآخر يتمنى لو أن  
!! يُحدثك


**!!؟... لا تتعجبين وتقولين صوتي يفعل هذا**

نعم وربى يفعل هذا وأكثر فلا تتعجبين وربما يقع صوتك  
أمام الذئاب من البشر فيتآمر عليكى مع أخرى عديمة  
.. الأخلاق والأدمية لتكوني فريستهم الشهية

لا أجد لها بدُ أرسمي بسمتك فهي كذلك ضحكك أختنا  
صدقة وأمرحي وأفرحي لكن إياك وأن تخلطي فرحتك  
! بغضب الله عليك

**!لماذا أختنا تُدخلين نفسك فى شبكات العنكبوت ؟**

لا تلومهم حبيبتنا على ما يفعلوه وما يظنوه ، فما حدث منهم  
ما هو إلا رده فعل لفعلك أنتِ ، فتجنبي الفعل ( إرتفاع  
(صوتك ) كى لا تحظى برد الفعل ( إذائك .



## الفصل الرابع

\*\*\*\*\*

وسارت أختنا الملتزمة فى الطُّرقات لتتقدم أسماعها  
بأختها والتي يبدو عليها التبرج وهى تقول ( ماشاء الله  
نفسى أكون ملتزمة وأحافظ على صلاتي في مواعيدها  
( بخشوعها زي البنت الملتزمة دي

أختنا الملتزمة زعلت من نفسها أصلها أفكرت تقصيرها  
!! تجاه ربها

صحيح هى إنسانة عاديه ومن حقها تخطأ وتتوب بس هى  
ميزت نفسها بأخلاقها بلباسها ، بالتزامها ، بفروضها عشان  
كده إتقال ملتزمة فلازم تكون أد الكلمة !

أفكرت صلاتها تعالوا نشوفها كده هى إزاي بتصلى من ورا  
الستاره .

٨.٨ محدش يعمل صوت

**بدأت صلاه الظهر ( 4 ركعات فرض ) الساعة 11:45**

**خلصتها الساعة 11:47**

- يخرأشى هى كانت بتقرأ إزأى دي خلصت إمتة بسرعه  
!؟ كدهون

- هوووووش بدون صوت قولنا

!! - أحم إالحى دى طبقت سجادتها .. دى مصلتش السنه

.. - صمئاً الله يباركلكوا

!!!!!!! - يا بنتي دى مخشعتش فى صلاتها

- أنتي متأكده إن دي كانت بتصلى !! دي كانت واقفه قدام  
!! ربنا دي

- أالحى دى مستعجله فى صلاتها عشان تجرى تفتح انت

!! - دى أصلاً كانت سرحانه فى صلاتها

طيب هوووووش مفيش - قاعده أقول أهدوا مفيش هدوء  
. أصوت لكوا أحسن بقا هوووش

بالله مش هو ده حال معظمنا فى الصلاه ؟! .. المفروض "  
" نتكسف من نفسنا ونتعدل بقا !!

---

تعالوا نبص علي واحده تانية وهووش بقا من غير صوت

الله

فيه ريحه جميله فى قوضتها -

^^ - أنا عمرى ما شमित ريحه بالجمال ده

- الله صوتها حلو فى القرآن ..... دا موعد قيام الليل

.. الله ^^ دى بتقيم الليل فعلا

- دي بتتلوا الآيات بصدق فى صلاتها وبتبكي

!هى زعلانه ليه !! ولا هى فرحانه ؟

دى سجدت

- دى طولت أوى فى سجودها

- سبوها براحتها وإهدوا سبوها تسجد للي خلقها بحُب

---

وتعالوا ورايا نبص على أختنا الأولى

يا بنتي الأذان بيأذن ومش بتردد الأذان

الإقامة أُقيمت بس هي راحت تنام ومصلتش الفجر!!

هي سمعته بس مصلتهوش



تعالوا نتكلم عن كل اللي حصل

مش هقولكوا الصلاة هي الركن الثاني في الإسلام

ولا هقول لكوا الصلاي فرض وهي اول شئ هنتسألوا عنه

ولا هقولكوا فايدتها وعظمتها وروحنياتها

أنا هقولكوا إزاي نصلى بقلوبنا

هو ينفع أروح مقابلة مهمه مترتب عليها قبولي في العمل أو  
لا ( **زى الأنترفيوا** ) وأنا مش مهتم بالأخ اللي قاعد يسألني


!!

يعنى ينفع يسألنى عن مؤهلاتى وطريقتى فى العمل  
وطموحاتى وأنا باصص للسقف وقاعد أقول ألوان الديكور  
حلوه ، الأنتيكات دى شكلها غالية وبعدين أسيبه وأمشى بدون  
أى إهتمام!

طبعًا مش ينفع دا بقى حالنا مع ربنا للأسف ، ندخل فى  
الصلاة من هنا ونسرح ونتوه من هنا!!

دا حتى الشيخ كشك \_رحمه الله\_ لما كان واحد بيشكيله انه  
بينسى بسرعه .. فقال له ادخل فى الصلاة وانتا هتفتكر على  
طول !! .. الرجل لم يخطأ للأسف بقيت دى صلاتنا مصدر  
لأنك تفتكر كل شئ إلا شئ واحد **وهو إنك واقف قدام ربنا !**

مش هنراجع نفسنا بقا ولا إيه ؟!



## الفصل الخامس

\*\*\*\*\*

يمكن إنتبهنا لحالنا فى صلاتنا وكيف هى لا ترضينا وعلى

شئ طبيعة الحال هي لا ترضي ربنا ، تعالوا بقى نشوف كل  
تعالوا نحب الصلاه بجد ونقرب بيتعلق بالصلاه بس بقلوبنا  
ليها وبلاش نشوفها كفرض ولازم نأديه وخلص عشان  
^^ ما تيجوا نرتاح بيه نرتاح منه

**خدتى بالك من الآذان قبل كده ؟**  
**!فكرتى تاخدى بالك من معانيه وإحساسه ؟**  
**ما تيجى نبص عليه ونسمعه بقلوبنا**  
**تعالى معايا**

**الله أكبر .. الله أكبر :** ربك كبير أوي، أكبر من  
حزنك ودموعك وهمومك ، أكبر من اللى ظلمك ووجعك  
وتعبك ، أكبر من أى حد فى الدنيا بيظمنك ، أكبر وكل شئ  
غيره زائل ، فكرتى تكونى كبيرة بالله ؟! فكرتى فى الحمايه  
!بحب الله وقربه ؟

، شهاده من قلبك بجد **أشهد أن لا إله إلا الله :** الله  
أن المعبود هو الله وحسب ، ليس من دونه عابد وليس له  
، ولما بتعترفى بكده مش شريك فى المُلْك هو الله وبس  
!بتطعيه ليه بس ؟

**وأشهد أن محمد رسول الله :** يا حبيبى يا حبيب الله  
قلبى فى حُبك داب وبعترفلك أنك رسول الله فى هذا الدين  
العظيم ، تعبت كتير أوى عشان توصلهولى وأنا بضيعه  
!! بإرادتى وساعات غصب عنى .. سامحنى يا رسول الله

**حى على الصلاة :** الصلاة من فعل وصل أي الصلّه بين العبد وربّه هي الصلاه .. قطعنا أد إيه الصلّه دى ؟؟ كان شئ طبيعى وقتها تدمر حياتنا وتبوظ لأننا أصلا قطعنا اللى بنا وبين ربنا ، مع أن رحمته أوسع بس إحنا اللى بدأنا !! بضيانا

**حى على الفلاح :** الفلاح ، التقدم ، الرقى ، النجاح ، السمو ، الرفع ، العلو .. كل دى أشياء مش هتلاقيها غير فى الصلاة .. الصلاة وبس ، تركتي صلاتك يبقى إزاي !عاوزه تكونى ناجحه ؟! بلاش تناقض

**الله أكبر .. . الله أكبر :** رجعنا تانى وكبرنا عشان نفضل . فاكرين أنك الكبير ياالله

**لا إله إلا الله :** من الله وإلى الله تبدأ وتنتهي الحياة فهلا !! أنتبها ؟

قال رَسُولَ اللَّهِ صَلَّى اللَّهُ عَلَيْهِ وَسَلَّمَ : " مَنْ قَالَ حِينَ يَسْمَعُ الْمُؤَذِّنَ : وَأَنَا أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ، وَأَنَّ مُحَمَّدًا عَبْدُهُ وَرَسُولُهُ ، رَضِيتُ بِاللَّهِ رَبًّا ، وَبِالْإِسْلَامِ دِينًا وَبِمُحَمَّدٍ نَبِيًّا ، غُفِرَ لَهُ ذَنْبُهُ "

يعنى إيه ؟؟

يعنى كلمات بسيطه أوى لو قلتها بقلبك وأنتى حاسه معناها كفايا بخل بقا على نفسك ... بجد ربنا هيغفرلك كل ذنوبك

😊 يلا قربى

يمكن تكونى المرادى خدتى بالك من معنى الأذان وروعته وحسيتى بضياع نفسك منك يا مَنْ يُقال عنها ملتزمة ، خدى .بالك لأنك بالتزامك ميزتى نفسك عن الباقي وأصبحتى قُدوه

ياترى أول ما بتسمعى نداء ربنا ليكى بتجرى عليه وتلبى النداء ولا بتتلهى فى الدنيا وتردى على نداء ربنا بعد الوقت !ما يضيع أو مع آخر لحظه ليه ؟

**!أنتى ليه كده ؟**  
**بترضى بدناوه الأجر ليه ؟ ليه عاوزة تكونى من الناس اللى**  
**!! عايشه وخلص**  
**؟! ليه مش عاوزة تدخلى معانا السباق للجنة**

حلمى وحلمك وحلم كل قلب نبض بحب الله  
خدى بالك أوعى الشيطان يضعفك وأول ما تسمعى الأذان  
. جرى لبي النداء

ويا ترى خدتى بالك من الوضوء هو كمان ولا بتتوضى  
!وخلص ؟

قَالَ رَسُولَ اللَّهِ صَلَّى اللَّهُ عَلَيْهِ وَسَلَّمَ: "إِذَا تَوَضَّأَ الْعَبْدُ  
الْمُسْلِمُ أَوْ الْمُؤْمِنُ فَعَسَلَ وَجْهَهُ خَرَجَ مِنْ وَجْهِهِ كُلُّ خَطِيئَةٍ  
نَظَرَ إِلَيْهَا بِعَيْنَيْهِ مَعَ الْمَاءِ أَوْ مَعَ آخِرِ قَطْرِ الْمَاءِ فَإِذَا غَسَلَ  
يَدَيْهِ خَرَجَ مِنْ يَدَيْهِ كُلُّ خَطِيئَةٍ كَانَتْ بَطَشَتْهَا يَدَاهُ مَعَ الْمَاءِ أَوْ

مَعَ آخِرِ قَطْرِ الْمَاءِ فَإِذَا غَسَلَ رِجْلَيْهِ خَرَجَتْ كُلُّ خَطِيئَةٍ  
مَشَتْهَا رِجْلَاهُ مَعَ الْمَاءِ أَوْ مَعَ آخِرِ قَطْرِ الْمَاءِ حَتَّى يَخْرُجَ  
".نَقِيًّا مِنَ الذُّنُوبِ".

يعنى إيه أنا مش مستوعبه الجمال ده كله بجد  
هو ده دين ربنا وهو ده جمال عبادته وهى دى لا أستوعبى  
رحمته  
مع كل عضو هتغسله هتخرج كل الذنوب اللى عملتها بيه

..

لو عينك شافت حاجه غلط لو غسلتها فى الوضوء بنيه إزاله  
الخطيئه دى هتتمحو عنك ، ولا ودانك لو سمعت غيبه أو  
نميمه وغسلتها بنفس النيه هتتمحى منك نهائى ، وهكذا ايدك  
لو أتمدت على حرام ، ورجلك لو مشيت للحرام ... هتبقى  
نقيه طاهرة كما ولدتك أمك لا تحملين من دنس الحياه شئ

^^

**!!أنتى إزاي بعيده كده ؟؟**

أوام يلا قربى يمكن بعد كده صحتك تضيع ومش تقدرى لله  
! تركعى

أو يمكن لا يُمهلك الله وتلقين العذاب

أوعى على نفسك تبخلى ، ويلا أوام بقلبك قربى  
^^ بعد الجمال ده كله أكيد مش هتقدرى تبعدى



## الفصل السادس



العفه من غيركم بتعانى .. فكونوا مُعينين لها بنات العفه ..  
.. ببساطه أنتوا العفه ومينفعش متكونوش على عدم المُعاناه  
😊 عفيفات فى كل شئ فى حياتكوا

تحدثنا عن الأذان والوضوء ومعانيهم الجميله اللى مش  
.. هندخل فى الصلاه ، بس قبل ما نتكلم عن شايفينها  
الصلاه تعالوا نشوف الحديث الجميل ده كده

عَنْ أَنَسٍ رَضِيَ اللَّهُ عَنْهُ قَالَ: قَالَ رَسُولُ اللَّهِ صَلَّى اللَّهُ عَلَيْهِ

((.وَسَلَّمَ: ((الدُّعَاءُ بَيْنَ الْأَذَانِ وَالْإِقَامَةِ لَا يُرَدُّ

یعنی ایہ؟؟

يعنى أول ما تخلصى ترديد للأذان وتسألى الله الوسيله لسيدنا  
مُحمد تقعدى تدعى كثير جدا وتخلصى فى الدُعاء ده وبقالبك  
؟ عارفه ليه

دا لأن كل دعوه هتدعيها لو خير ليكي ربنا هيحقهاك  
سيدنا النبي ( صلى عليه ٨٨ ) بيقول لا تُرد .. لا تُرد ..  
يعنى ربك حبيبك مش هيرد دعوتك دى أبدًا إلا إذا كانت شر  
.. ليكي

**! أنا متأكده أنها خير ؟ وإزاي دعوتى هتكون شر ليا بس**  
**انتى متأكده تبعًا لرؤيتك أنت ونظرتك أنت لكن نظره** ^^  
**ربنا هى الأعلّم والأوسع والأشمل لأنه وحده المُطلع على**  
**الغيب سُبْحانه وأعلّم بضُرْك ونفعك منك .. شفتى يا غاليه**  
**ربنا بيحبك إزاي ومش عاوزك تتعبى أبدًا وتتولى شر لآ دا**  
**بيختارك كمان مهما أَلحيتى فى الدعاء الدعوه الخير**  
**^^ ويحقّقها لك**

طیب ما ساعات بدعی دعوات خیر و مش بیتحقق زی رؤیه  
النبی علیه الصلاه والسلام فی المنام أو مثلاً زیاره بیه  
! الحرام و مش بیتحقق ده

**أقولك ليه ومتر عlish ؟؟** → عشان أنتي متستحقيش ، متعبتيش ، مجاهدتيش ، متوجعتيش متعذبتيش ..... لا

جاهدتى نفسك ولا عذبتىها بالبعد عن المعاصى والمُحرمات  
ولا حتى فكرتى تاخدى بيها للجنة ، دا أنتى بسهولة يا مؤمنة  
رمتيها فى النار وبحر الشهوات ، إزاي عوزاها بعد كل ده  
تطلعك نقيه!!

محدث بياخد كل حاجه ، وعلى قد تعبك فى الدنيا على قد ما  
هتتولى فى الآخرة بإذن الله .. جاهدى ومتقلقيش أجرك عظيم  
جداً .

تعالوا بقا نشوف أحد الصالحين لما كان بيروح يصلى كان  
بيبقى عامل إزاي ؟

**"كان أحد السلف الصالح : إذا توضأ ليُصلى أصفر وجهه  
وأرتعش جسده وتصبب عرقاً ؛ ف قيل له : لماذا كل هذا ؟!  
فقال لهم : أتعلمون بين يدي من أقف ؟ !!!!**

يااااااااااااه إيه ده إيه ده بجد !! طيب إنتى بتبقى كده !!  
تصدقوا بالله حالنا يدعى البُكاء عليه ، كيف سندخل الجنة  
وهناك من هو بهذه التقوى ؟!! دا إحنا بعيــــــــــــــــد أوى عن  
كل الجمال ده فعلاً .

بس عارفين بسهولة نقدر نكون كده ^^  
والسهولة دى مش هتيجى إلا لما يكون القلب ده ♥ حاضر  
فى الصلاة وبيخشع لملك الملوك ... يا مؤمنين بالله أنتوا  
واقفين بين يد الله أفيقــــــــــــــــوا ..

بلاش كروته فى الصلاة ، بلاش نقولها بصوت واطى ،  
 بلاش نسرع فيها ؛ دا كله ز ااااااااايل وهى اللى بقیالك بجد لو  
 كل لحظه فى حیاتك وجع فجناتك فى صلاتك

## بنقدر ربنا فی صلاتنا یا بنات؟؟

**بجد قلوبنا بتكون حاضرہ فی صلاتنا یا بنات؟؟**

## حاسين وعارفين اننا واقفين بين يد الله فعلا يا بنات؟؟

والله ما حاسين ولا عارفين ولا هتعرفوا عارفين ليه؟؟

لأن ربنا تبارك وتعالى قال (وَمَا قَدَرُوا اللَّهَ حَقَّ قَدْرِهِ)  
بالله عليكم مش قلبكوا ببيكي من الكلام ده!!

ربنا بيقول مقدر و نيينيينيينيش و أنتي لسه مكمله ؟!

قلبك مبيتحسرش !! مبيخفش !! مبيتوجعش!!  
 مش هاین علیکی تصرخی جوا ضلوعك وتقولی یاربى  
 متقولش كده

مکانک عالی و عالی اوی فی قلبی بس.....

بس إيه يا مؤمنه الله يباركك؟؟ ..... الطاعه فعل مش  
كلام

لو فعلاً ربنا غالى فى قلبك إتحدى شيطانك ..

مالك سلمتى نفسك للشيطان بسهولة ليه كده ؟؟

دا أصلاً ولا حاجه دا ربك قالك (إِنَّ كَيْدَ الشَّيْطَانِ كَانَ ضَعِيفاً )

أفرحى هتتغلبى على شيطانك أنا واثقه  
إفرحى أنتى لسه عايشه وقلبك جوا ضلوعك أبتسمى  
لسه الفرصه كبيره فى إنك تاخدى بأدينا للجنه أيوه أنتى  
قدرى نفسك مترخصيهاش ..

، خليفه عائشة ورقية أنتى من أمة محمد أنتى قويه بالله  
أنتى كنز ، أنتى جنه ٨٨ ، أنتى حلم الأمه  
😊 ربنا يعفك بتقوتك وحلاله وجنته ورضاه عنك يوم الدين



## الفصل السابع

\*\*\*\*\*

هنتكلم عن الصلاة  
بس قبل ما أدخل فى الصلاة عاوزة أقولك صلاتك تعنى لك  
إيه؟؟

صلاتى هى مكان سهوى وإنشغالى بالحياه ولا هى مكان  
سعادتى وراحتى والنجاه!!

صلاتى هى عشقى وفرحتى ومُهدئ نحو الأمان ، ولا  
مصدر كدرى وآلمى لما بسمع الأذان؟؟

أنسوا اللى فات وتعالوا سوا نصلى بقلبنا قلوب عشقت  
الرحمن وأختارت الصلاة اللى كثير هجرتها

فيينا اللى بياخد من صلاته ربع أجر وفيينا اللى بياخد نص  
وفيينا اللى بياخد كل الأجر وفيينا اللى مش بياخد حاجه  
خالص ☹️

مش عاوزين تاخدوا أجرکوا کامل ولا إيه؟؟!

يلا بينا نصلى بقلوبنا ♥ وقتها هناخد أجورنا كامله.

بدأت وقلت بروحك [ **الله أكبر** ] وصرخ قلبك جواكى  
وقالك أيوه الله أكبر بجد .. أيوه الله أكبر من همك من حزنك  
من دمعك ، الله أكبر من معصيتك من ذنبك و سوء خُلقك ،  
أيوه الله أكبر كبير اااااااا من كل شئ يبببببببب عن ربك **^^** ،  
أيوه الله أكبر من شيطانك اللى علوزك من عباده عافاكى الله  
يا مؤمنة يا موحدہ بالله يا مؤمنہ بخاتم الرُّسل علیہ الصلاۃ  
والسلام **^^** ، أيوه يا مسلمة الله أكبر أوعى تخافى أوعى  
تبعدى أوعى تحزنى ، ولربك يلا أرجعى فاردلك جناحات  
رحمته وببببببببب رجوعك وإيمانك .

قال رسول الله صلى الله عليه وسلم : { إن الله أمركم بالصلاة فإذا صليتم فلا تلقفتوا ، فإن الله تعالى ينصب وجهه لوجه عبده في صلاته ما لم يلتفت } .

یعنی ایہہ؟؟

يعنى أول ما دخلتى فى صلاتك أوعى تلتفتى عينك على  
موضع سجودك ربنا قدامك ويبص عليكى بصيله وأوعى  
تبعدى عن طريقه ، وجسمك فجأه أرتجف معقول ربنا  
شايفنى وأنا شيفاه !!

عن عائشة قالت : { سألت رسول الله صلى الله عليه وسلم  
عن التلفت في الصلاة ، فقال : اختلاس يختلسه الشيطان  
من العبد. }

ربنا بيتفرج على صلاتي أنا !! ربنا بيبصلي أنا !! أنا ياربى  
أنا !!

ودموعك بللت سجادتك أول ما دق قلبك وحس يعنى إيه ربك  
خوفتى أوى لتقصرى فى ♥ وأنه فعلا جنبك وأنت شيفاه بـ  
صلاتك طولتى وقريتى آياته بقلبك وفكرك وروحك وعشقتى  
صلاتك لأنك جنب معبودك ، وحاسه بإبتسامته ليكى سجدت  
دموعك لخالقك وأتمنت القبول ورجاء المغفرة عن كل صلاه  
محسش بيها قلبك .

وبكل حُب بدأ قلبك يتمتم ويقول الحمد لله رب العالمين و قدام  
عيونك ربك وكأنك فاكراه كلام رسولنا الكريم كويس جدًا  
...وهو يقول

عن أبي هريرة رضي الله عنه قال : سمعت رسول الله -  
صلى الله عليه وسلم - يقول : قال الله تعالى : ( قسمت  
الصلاة بيني وبين عبدي نصفين ولعبدى ما سأل ، فإذا قال  
العبد : الحمد لله رب العالمين ، قال الله تعالى : حمدني  
عبدى ، وإذا قال : الرحمن الرحيم ، قال الله تعالى : أثنى  
علي عبدى ، وإذا قال : مالك يوم الدين ، قال : مجدني  
عبدى ، وقال مرة : فوض إلي عبدى ، فإذا قال : إياك نعبد  
وإياك نستعين ، قال : هذا بيني وبين عبدى ولعبدى ما سأل  
، فإذا قال : اهدنا الصراط المستقيم ، صراط الذين أنعمت  
عليهم ، غير المغضوب عليهم ولا الضالين ، قال : هذا  
لعبدى ولعبدى ما سأل ) وفي رواية : ( قسمت الصلاة بيني  
وبين عبدى نصفين ، فنصفها لي ونصفها لعبدى ) رواه  
مسلم

قال عمر بن عبد العزيز عندما سُئل لماذا يسكت فيها بين ..  
الآية والآخرى فقال : أسكت لأستمع بقول ربي

قلبك دق و عيونك فاضت عبراتها من العشق دا مش أى  
عشق دا عشق العباده يا ناس دى خلوه مع رب الناس دى  
مُتعه مسكين كل إنسان حرم نفسه منها

.. دا فضل الفاتحه عظيم

عن أبي بن كعب رضي الله عنه قال : قال النبي - صلى الله  
عليه وسلم - : ( ما أنزل الله عز وجل في التوراة ولا في  
الإنجيل مثل أم القرآن ، وهي السبع المثاني ، وهي  
(مقسومة بيني وبين عبي ولعبي ما سأل

من حديث أبي سعيد بن المعلى قال : ( كنت أصلي في  
المسجد فدعاني رسول الله - صلى الله عليه وسلم - فلم  
أجبه ، فقلت : يا رسول الله ، إني كنت أصلي ، فقال : ألم  
يقُل الله : { استجبوا لله وللرسول إذا دعاكم لما يحييكم }  
(الأنفال: 24) ، ثم قال لي : لأعلمنك سورة هي أعظم  
السور في القرآن قبل أن تخرج من المسجد ، ثم أخذ بيدي  
، فلما أراد أن يخرج قلت له : ألم تقل لأعلمنك سورة هي  
أعظم سورة في القرآن ؟ قال : { الحمد لله رب العالمين }  
(. هي السبع المثاني والقرآن العظيم الذي أوتيته

المَثَانِي وَالْقُرْآنَ مِنْ قال الله تعالى: " وَلَقَدْ آتَيْنَاكَ سَبْعًا

## "الْعَظِيمُ"

ورد في فتح الباري شرح صحيح البخاري لابن حجر العسقلاني ما نصه: و إنما سميت الفاتحة بالسبع المثاني لأنها سبع آيات ، واختلف في تسميتها بالمثاني ف قيل: لأنها تُتلى في كل ركعة أي تعادُ ، و قيل لأنها يُتلى بها على الله تعالى، و قيل لأنها استُثنت لهذه الأمة، لم تنزل على من قبلها .

حتى أن اليهود يحسدوننا عليها **فعن رسول الله صلى الله عليه وسلم قال : [ما حسدتكم اليهود على شيء ما حسدوكم على السلام والتأمين**

قال رسول الله صلى الله عليه وسلم : إذا آمن الإمام فآمنوا ، فإنه من وافق تأمينه تأمين الملائكة ، غفر له ما تقدم من ذنبه .

بعد كل ده مش محتاجه أقول شئ ولا أوضح حاجه الصلاة . هي النجاه يارب ما تحررنا من لذتها إلى آخر العمر يارب

**قال أحد الصالحين : لولا الصلاة ؛ ما أحببت البقاء في الدنيا !**

وقد صدق وربى فأين اللذه إن فقدنا لذه الطاعه وعشق الإنابه والخضوع لملك الملوك ، سبحان من تعالى وكبر وسجد له . ما فى الأرض جميعًا

مش عاوزة أشوف بنوته مش بتصلى بقلبها ، لازم كلنا  
نصلى بجد عشان ناخد الأجر ، إحنا ذنوبنا كتير إجعلوا  
وبيها ربنا هيصلح لنا صلاتنا هي من تشفع لنا أمام الله  
. سائر حياتنا كونوا واثقين فى الله فعلا بقا



## الفصل الثامن

\*\*\*\*\*

وأنه شايفك وببيص وبعد ما قلبك حس يعنى إيه صلاة بحُب  
عليك وببيتأمل كمان صلاتك خشعتى أوى وبدأتى تقرأى  
( ولأول مره ) أصل الإحساس **يختلف**

أَلَمْ يَأْنِ لِلَّذِينَ آمَنُوا أَنْ تَخْشَعَ قُلُوبُهُمْ لِذِكْرِ اللَّهِ وَمَا نَزَلَ مِنْ  
الْحَقِّ وَلَا يَكُونُوا كَالَّذِينَ

أُوتُوا الْكِتَابَ مِنْ قَبْلُ فَطَالَ عَلَيْهِمُ الْأَمَدُ فَقَسَتْ قُلُوبُهُمْ وَكَثِيرٌ

## مَنْهُمْ فَاسِقُونَ

وصرخ قلبك جواك وهو يقول يــــارب قلبي ملكك ، ملكك أنت وبس والله ملكك يارب ومستحيل يملكه غيرك ، هو بتاعك أنت وبس يارب ، خلقتة عشان يطيعك ويعبدك أنتا وبس ، قرיתי كلامه بقلبك ولأول مره ، حسيتي أد إيه أنتي مُجرمه فى حقه وهو بيعتب عليك وبيستبطأ إيمانك الكامل وخشوعك ليه وهو الذى فضلك و زاد عليك من النعم والخيرات !!

سير إليك محمد عليه الصلاة والسلام بالإسلام ، وأخرجك من الظلمات إلى النور وهداك للإسلام وجعلك تخطين له ، فكيف تكونى مسلمه بالوراثه !! ليه عاوزه تغنى غنيمة بسيطه ليه مش عاوزة تكونى مسلمة بجد وتفوزى بالفردوس !!

فاضت دمعاتك ، وكأنها تعبر طريقها نحو الجنة وكأنها تُلين لك طريقاً تجدين فيه سُبلاً للفردوس .

ركعتى لى خلقك ودموعك سابقه قلبك ( سبحان ربى العظيم .. سبحان ربى العظيم .. سبحان ربى العظيم ) تسارعت دقات قلبك لما حسنت بعظمه الله دا مش الله وبس دا ربك إنتى ربك أنتى العظيم يا غالية وأكيد أنتى عنده عزيمة عظيمة أوى ، أصل العظيم أكيد عباده مش عاديين ومش أى عباد..

رفعتى راسك وأنتى بتقولى ( سمع الله لمن حمده ... ) ( رَبَّنَا

وَلَاكُ الْحَمْدُ، حَمْدًا كَثِيرًا طَيِّبًا مُبَارَكًا فِيهِ )

.. (إيه ده معقوله ربنا هيسمع للى بيحمده !! .. يعنى لو  
فضلت أدعى ربنا كتير وأنا بحمده بإستمرار هيستجيب ومش  
هيرد دعائى اللى فيه خير ليا أبدًا !! )

حسيتى إنك لربك مشتاقه أوى كبرتى ورميتى نفسك فى  
حضن سجدته جمعتك بقرب حبيبك المولى ، أنهار الدموع  
بدأت منك تنهار .. وتعلن التوبة للواحد الغفار بأنك مستحيل  
تسجدى له بجسدك تانى لازم كل جوارحك تكون حاضرة  
وأولها ده ♥

ولما وصلتى للتشهد وحسيتى بمعناه ، قلتى هو أنا إزاي غيبه  
كده ؟؟ وليه بعيدة عنك ياربى بالشكل ده !! سلمتى وأتسلم  
قلبك لله راح للى خلقه وعبدته حتى يوم منتهاه .



## الفصل التاسع

\*\*\*\*\*

ومين فينا مش نفسه يحافظ على أذكار الصلاة ؟!  
طبعًا مفيش ^\_^

يبقى تعالوا أقول لكم على فوكيرة حلوة  
**مستحيل تنسى بعدها تقولى الأذكار ..**

إلا إذا بقى تعمدتى تطنشى ! ووقتها يا غالية ..  
لازم تعاقبى نفسك .. قبل ما ربنا يعاقبك ☹️

المهم بقى عارفين الطريقة هى إيه ...؟!!

إنك تجيبى ورقة وتكتبى فيها أذكار ما بعد الصلاة ٨٨  
وبعدين تطبقى الورقة دى  
وتعلقها بدبوس فى سجادة الصلاة ♥  
وبكده مستحيل تنسى أذكارك ومستحيل تضايقى لتقصيرك  
😊 وده بإذن الله طبعًا

أو حتى ضياع أجر الذكر ده منك .

**وذكرى نفسك** فى الورقة دى كمان تقرى 2 صفحة من  
المصحف ♥

على فكرة هتلتزمنى وأوعدك 😊

أما بقى لو مش ملتزمة فى صلاتك ! فىا عينى عليكِ  
حرمتى نفسك من حاجات كتيرة حلوة أوى !!

على فكرة بلاش **ترفضى تسجدى لله** وتقولى بحب ربنا ..  
وكمان بلاش تقولى هى حياتى كرب ليه ..

**الفلاح فى حى على الفلاح** ♥ إزاي عاوزة من غيرها تفلح  
!!

**طيب إمتة نقول أذكار الصلاة دى ..؟**  
أذكار الصلاة دى ليست واجبه يعنى مش فرض بس إحنا  
هدفنا الفردوس .

وكمان ذنوبنا كتير أوى ولازم نعوض ده 😊 فهنواظب على  
الأذكار ٨٨

**إمتة تتقال بقى ؟** ← بعد الفرض وقبل السنه .

ياريت لو تعملى الورقة دى بدبوسها فى كل سجادات الصلاة  
الى فى بيتكم 😊

وياريت لو عملوها وتنصحى أصحابك وأهلك ينفذوها ♥  
وياريت الى راجع من الحرم يطبقها فى السجادات الى  
هيهادى أهله بيها ٨ \_ ٨ .



## الفصل العاشر

\*\*\*\*\*

هنتكلم عن **لبسك** يا عسولة ☺

-لبسى !! ماله لبسى !! نقاب أهو وزى الفل حتى أختى بتلبس  
خمار أو طرح طويله يعنى فى الحالتين ملتزمين بالحجاب الشرعى  
وأحط صوباعى فى عين **الطخين** .

**- مم طيب والرفيعين إيه نظامهم !!**

حبيبة قلبى براحه كدهون وهنفهم .. ماشاء الله ماشاء الله أنعم الله  
عليك بالنقاب ربنا يبارك .. تعرفى بنات كتير جديرة بالالتزام بيه  
بس مش قادرة تلبسه أدعيهم .. والجدير باللى لابسينه أنهم يلتزموا

بيه .. دا غيرهم محروم وبيعانى ٨.٨

فاكرة صاحبتك ..... اللى كانت ماشية بالنقاب على طرحه  
صغيرة جداً اللى بنسميها منديل ؟؟

- بس دى أصلاً رفيعه يعنى دراعاتها مش باينه !!

ممم بس أصلاً الحجاب اللى ربنا أمرنا بيه المفروض يغطى منطقة  
الصدر .. يعنى المفروض الطرحه أو الخمار عشان ندخل على  
باب الإلتزام بالفرض لازم يغطوا الصدر .

نيجى بقى للنظام بتاع اليومين دول اللى مش عاجبنى .. الواحده  
تكون لابسة النقاب وتلبسك أل إيه **جيبه جينز** .. ببقى عاوزة  
أصوت .. طيب لازمته إيه النقاب يا حجه أقلعيه أحسن !

**وإيه يعنى ما دام واسعين وهى رفيعه !!**

هى البشرية كلها رفيعه !! وبعدين أصلاً المفروض لبسك يكون  
فضفاض لا يبين إنك طخينة ولا إنك رفيعه .. ( **ربنا بيحافظ  
عليكى** ) .. دا غير بقى يا قلبى إن الجينز الأفضل عدم لبسه لأن  
غالبًا بيكون ضيق .. وطبيعى مفيش باضيها واسعه !! ( **واسمحيلى  
اقولك كلمة باضيها دى يعنى ٨٨** )

يبقى الأفضل ليا وليك عباية ٨.٨  
وياريت الله يباركك تتقى الله فينا **وميكنش عليها تطريز**

- **معقول انا بنت عوزانى أبقى زى ستى الحجة !!**

لأ عاوزاكى مسلمة ملتزمة بحجابك الشرعى .. من شروط

الحجاب الشرعى أن لا يكون زينة .. إحنا بنستر الزينة ببقى إزاي  
لباسنا نفسه يكون زينة !!

ربنا قال ( وَلَا يَضْرِبْنَ بِأَرْجُلِهِنَّ لِيُعْلَمَ مَا يُخْفِينَ مِنْ زِينَتِهِنَّ )  
وفي موضع آخر ( وَلَا يُبْدِينَ زِينَتَهُنَّ )

يعنى يا حبيبة قلبى لبسك مينفعش ببقى فيه زخارف أو اى نوع من  
أنواع الزينة .

- هو لازم ألبس اسود ؟؟

لأ طبعاً مش لازم مع انه أولى ولكن من حَقِّك تلبسى كل الألوان  
بشرط لا يكون لون ملفت للنظر .. ولا لون تختص الرجال  
بإرتدائه .

- الجوانتى يا عثل .. ثم الجوانتى يا عثل .

غطيتى وجهك وكتمتى نفسك .. جات على ايدك بقى !!  
مش الأولى تتغطى هى الأول بردوا ؟؟ .. دا غير إن الحكم على  
الوجه والنقاب واحد أصلاً .

- عيونك

ربى يباركك بعيونك وما يشوفوا إلا الحلال وبس يارب ^.^  
من المفترض إننا نظهر عيوننا بس مش منطقة الحواجب كاملة !!  
وعشان نتفادى المشكلة دى إحنا ممكن نجيب البندانا ونحجب بيها  
الحواجب الأول ثم نلبس النقاب وربنا يباركك ..

- طيب بالنسبة للميكياج ؟!

حرام طبعًا .. المسموح للمرأه فقط الكحل وده بشرط .. الكحل يتحط برا بيتك دا لو أنتى متعوده تحطيه جوا بيتك بإستمرار وإلا يبقى حرام ( باختصار لو حاطة الكحل عشان انتى خارجة يبقى حرام ) وباقى أنواع الميكب لا تجوز على غير محارمك .

- طبعًا نتف الحواجب بأى وسيلة كانت أو أى منطقة حرام فقط مُباح لك العبسة اللى هى بين الحاجبين وياريت تركزى لاتشيلى من الحواجب وبكده تكونى ملعونة أى مطروده من رحمة ربنا ومفيش إنسان عاقل يستغنى عن ربنا عشان حاجات فارغة ٨.٨ .

-الذهب .. إحنا قلنا إنه زينة بالتالى غير مسموح لك ارتدائه خارج المنزل أمام غير محارمك يا قلبى .

- بلبس كعب ينفع ؟؟

أه ينفع بشرط ... غطيلى الكعب بهدومك لأنه زينة وبيبين معالمك ( قصر ك ) فحاولى داريه والأهم لازم ميعملش صوت .. لو هيعمل بلاشه أحسن و [ هي لله ] وأصلًا ياريت بلاش لأنك عثل وإنتى قوزعة ☺

-بالنسبة بقى لأختك المُختمرة دى ٨.٨ ف ذى ما قلتلك المفروض الطرحة أو الخمار ميقصروش عن الصدر ويكونوا واسعين ولبسها فضفاض يعنى جيبات واسعة بقى وكده وياريت نلغى فكرة الباضيهات دى أصلًا .. موضة فاشلة وانتشرت ولازم نواجهها ٨.٨

-قررت أعمل حاجه حلوة

قررت ألبس نقاب وكاب وملحفة كبيرة وواسعة والجوانتى .

ربنا يباركك يا حبيبتي ماشاء الله كده يبقى تمام جدًا وربنا يجازيه  
كل خير اللى اخترع الكاب ده ٨.٨

### -آخر سؤال هو النقاب فرض ولا سنه؟؟

سؤال تحير العلماء فى الثبوت على رأى فيه .. مش معقول أنا اللى  
هاجى أفصل فيه .. بس أقولك على حاجه .. قولى لكل اللى  
ملبس هوش يلبسه .. **بيحمينا ويسترنا ويحافظ علينا إزاي منلبسوش**  
.. دا غير **إن زمننا صعب وكله فتن** ولازم ننجوا بنفسنا منه ..  
قوليلهم يلبسوه .. **وقولى للى خايفين ميلتزموش ألبسوه لأنه هو**  
**اللى هيعلمكم الإلتزام** .. هينبهكم مع كل ذنب إنكم أخطأتم فى حق  
الله وحقه وأوام هترجعوا لله .. متخافوش ألبسوه وعفوا نفسكم  
وأدعلولنا وياكم .. وخليكوا فاكربين ربنا ميزكم وجعلكم ملتزمين  
أختاركوا للهداية وحرّم غيركم .. صونوا النعمة دى وحافظوا على  
نفسكم ..

**النقاب** → لا أقول فرض ولا أقول فضل .. بل أقول  
يحمينى وأريده .



## الفصل الحادى عشر

\*\*\*\*\*

عارفة أول خيط للراحة والسكينة هو إيه ...؟!!

يا ما اتوجعنا فى الحياة بس بتعدى عارفة ليه ؟؟

لأن مهما طالت ولا قصرت مسيرها فانية ..  
مقولة حكيم قالها سمعتها وحببتها .. ( سأل واحد مهموم  
وقاله : هو قبل ما تتولد كانت المشكلة دى معاك ؟؟ قاله لأ ..  
فقاله : طيب ولما تموت هتاخدها معاك ؟؟ فقاله لأ ...  
قاله : طيب شاغل بالك ليه بحاجة أصلا مش ديمالك وكمان  
مش فى ايدك !! .. أشغل نفسك فى اللى هتسأل عنه ..  
أشغل نفسك فى الحساب والجنة .. أشغل نفسك فى اللى  
تملكه )

صحيح بنتجرح وبيكون صعب علينا منتأثرش .. على فكرة  
لما تحزننى أبكى .. أصرخى .. فرغى شحنة الغضب اللى  
جواكى لأنها هتقتلك لو فضلت معاكى .. بس أرجوكى أوعى  
تفرغىها فى شخص وإلا هلكتى وأهلكتى !!

أتجرحتى وأتوجعتى وشيطانك بيقولك لازم تنتقمى لازم  
تفشى غلك فى اللى وجعك .. أقولك على حاجه ؟؟ إنتى  
بتنتقمى منك مش ليكى زى ما الشيطان مصورك .. أيوة

صدقيني الغضب والشر عمرهم ما بيريحوا القلب .. الراحة  
بصفة عامة في الشئ السماوى النقى الطاهر البرئ .. الراحة  
في الجنة وطاعة الله يا حورية ..

دا عليّ بن ابي طالب قال : « إقلع الشرّ من صدر أخيك  
بقلعه من صدرك » .. بتمنى انك تساعدى غيرك عشان  
يكون رحيم وطيب وعطوف .. وقتها ربنا هيرد قلبك  
ويرزقك من خير ما دفعتى غيرك له .

## وكيف لا أغضب وهي قوة لا نستطيع أن نتحكم فيها؟؟

ميمم ؛ مين قال كده ؟؟ **خرجى الشيطان من طريقنا بقى ..**  
 أنتى مسلمة وقوية بحبك لربك ودينك مهما قصرتى أنتى  
 بتحبيهم وعاززة تكونى من الصالحين عشان كده هتجاهدى  
 وهتكونى .. صدقينى هتقدرى .. كل الحكاية فقط إنك  
 محتاجة تقرى ..

[illegible]

عارفة فيه أحاديث جميلة أوى وآيات كمان شفت الصدور  
وأيقظت العقول لنقف واثقين أن هذا الدين أعظم إعجاز  
رأيناه بأمر العين وأن هذا الشيطان خادع وماكر ولن ينال من

الصالحين قيد أنمله .. طبعًا حبيبتى من الصالحين ربنا يبارك  
بعمرك على طاعته ..

تعالى نشوف إزاي نطفى غضبنا ونسيطر عليه .. مش  
هقولك نصايح تنمية بشرية أنا هجيب لك وقائع وأدله من  
كلام سيد البشرية عليه الصلاة والسلام .

\* قال رسول الله - صلى الله عليه وسلم -: **«إِنَّ الْغَضَبَ مِنَ  
الشَّيْطَانِ وَإِنَّ الشَّيْطَانَ خُلِقَ مِنَ النَّارِ وَإِنَّمَا تُطْفَأُ النَّارُ بِالْمَاءِ  
فَإِذَا غَضِبَ أَحَدُكُمْ فَلْيَتَوَضَّأْ»**

عارفة أول ما تغضبي أجرى جرى من قدام اللى ضايقتك  
أتوضى وأسجدى للى خلقك .

\* قال رسول الله صلى الله عليه وآله وصحبه وسلم: **«لَوْ  
يَقُولُ أَحَدُكُمْ إِذَا غَضِبَ: أَعُوذُ بِاللَّهِ مِنَ الشَّيْطَانِ الرَّجِيمِ؛  
ذَهَبَ عَنْهُ غَضَبُهُ»**

شوفتى؟؟ الشيطان هو اللى اغضبك وإلا مكنش تركك أول  
ما طلبتى العون من الله عليه .. أفرحى ربنا جنبك .. بجد  
ربنا بيحبك .

\* عن أبي ذر رضي الله عنه قال: إن رسول الله صلى الله  
عليه وسلم قال لنا: **«إِذَا غَضِبَ أَحَدُكُمْ، وَهُوَ قَائِمٌ، فَلْيَجْلِسْ،  
فَإِنْ ذَهَبَ عَنْهُ الْغَضَبُ، وَإِلَّا فَلْيَضْجَعْ»**

دينا دين يُسر .. ومتنسيش قوله تعالى: { إِنَّ كَيْدَ الشَّيْطَانِ  
كَانَ ضَعِيفًا } ..

\* قال رسول الله صلى الله عليه وسلم : «ليس الشديد  
بالصرعة إنما الشديد الذي يملك نفسه عند الغضب»

قوتك فى رحمتك وعطفك وإحسانك مش غضبك وثورتك  
وإنتقامك !

قال أبو مسعود البدرى: "كنت أضرب غلامًا لي بالسوط  
فسمعت صوتًا من خلفي: «اعلم أبا مسعود»، فلم أفهم  
الصوت من الغضب"، قال: "فلما دنا مني إذا هو رسول الله  
صلى الله عليه وسلم فإذا هو يقول: «اعلم أبا مسعود، اعلم  
أبا مسعود»". قال: "فألقيت السوط من يدي"، فقال: «اعلم  
أبا مسعود أن الله أقدر عليك منك على هذا الغلام». قال:  
فقلت: "لا أضرب مملوكًا بعده أبدًا"

حبيبتى رقت دموعى وأنا اكتب .. ألا تعفين عن من جرحك  
ليعفو الله عنك ؟!

حبيبتى أرى أننا لا شئ فكيف نقوى على غضب الله ؟!!

حبيبتى أنتى مسؤلة عن دينك .. تعلمين بكونك مُسلمة لستى  
فقط مسؤلة عن نفسك وذنوبك بل عن من تبعك أيضًا ..

فأفعلِ الخير ليتبعك فيه آخرون وتكون حسنات جارية ولا  
تجعلها ذنوب جارية تصلك وأنتى بقبرك حتى يأتى اليوم  
المشهد لتقرأى كتابك فى خيبة أمل !!

حبيبتي أصدقى مع الله وأصفحى وأعفى ليعفو الله عنك يوم  
يفر الشيطان منك !!

حبيبتي أحرصى على قلبك ونفسك ودينك فإنك والله مؤثرة  
فينا ..



## الفصل الثانى عشر

\*\*\*\*\*

كلنا بيحى علينا فترة ونكسل عن العبادة أو بمعنى أوضح  
بنأديها ولكن من غير روح !!  
حتى أقصى من وصل لدرجات الإلتزام بيقع فى المشكلة دى  
فمتخافوش ^^

دلوقتى عشان تأدى عبادتك وأنتا حاسس بيها  
لازم تأديها من قلبك .. وعشان توصل لده لازم تحيي قلبك ^^

طيب إزاي هنجيي قلوبنا !!؟  
لما قلبك يعرف ربك ودا بسهولة هتوصله لو أشتقت له ..

ولو مشتقتش هنعلمك إزاي لربك تشتاق ..  
إيه رأيك تقرأ عنه !!  
تسمع عنه تشوفه وتعرفه !!؟

ليه بنأدى العبادات لأننا لازم نأديها !!؟  
ليه مش بنحبها ونعملها بحب ورضى !!؟  
ليه بنحرم نفسنا من لذتها ..

الخطوات العملية السحرية للإلتزام ..  
ولو يوم حسيت بالفتور أوعى تفرط فيها ^^

**1- أفصل نفسك عن الحياة** ( بلاش وش ودوشه حواليك ولا حتى أفكار كتير قدام عنيك انسى كل شئ وأى شئ وخُذلك هُذنه من الحياة ، خذلك اجازه وإنساها شوية باللى فيها ) .

**2- ياريت لو تقدر تغير جو وتفرح نفسك ولو لمدته كام ساعة فى مكان بتحبه** .

**3- أسمع قرآن بصوت حد بيرحك قلبك ، وركز فى الكلام عشان تعرف ربك** .

**4- اقرأ قرآن وحاول تفهم معانيه وتشوف إعجاز الله فيه وتحبه** . ♥

**5- اسمع دروس دينية ومفیش أكثر من القنوات الدينية والفيديوهات وأعرف ربك بحب وصدق ولكن ركز إنتا بتسمع لمين !!**

**6- حاول تعرف ربك بكل الطرق الممكنه ومتستناش تنتهى من دراستك عشان تعرفه لأن وقتها هتحنز على عمرك اللى ضاع على الفاضى ..**

الدين مش عُقد الدين ربنا قدمهولك هدية عشان تفرحك وتسمو بنفسك وتكون حد عالي المقام بيحب ربه وبيطيع رسوله ونفسه وحلم مُناه يوم القيامة يحظى بلُقاء ..

ربنا معانا ومعاكوا وأوعى تغفل عن الدعاء وفضله العظيم .



## الفصل الثالث عشر



## الكسل والتسويق

بصراحة كده هما العوامل الأساسيه للشيطان  
أو بمعنى أوضح هما سلاحه لهدمه وهدمك !!  
عشان يفوز يوم القيامة بو عيده لله وبخه الله

قَالَ فَبِمَا أَغْوَيْتَنِي لَأَقْعُدَنَّ لَهُمْ صِرَاطَكَ الْمُسْتَقِيمَ

ثُمَّ لَآتِيَنَّهُمْ مِّنْ بَيْنِ أَيْدِيهِمْ وَمِنْ خَلْفِهِمْ وَعَنْ أَيْمَانِهِمْ

وَعَنْ شَمَائِلِهِمْ وَلَا تَجِدُ أَكْثَرَهُمْ شَاكِرِينَ

قَالَ اخْرُجْ مِنْهَا مَذْذُومًا مَّدْحُورًا لِّمَنْ تَبِعَكَ مِنْهُمْ

لَأَمْلَأَنَّ جَهَنَّمَ مِنْكُمْ أَجْمَعِينَ

ركزوا تانى فى الكلمات دى ..  
شوفوا الشيطان عاوز منكوا إيه !!

فوقوا لفسكوا وركزوا ..  
دا موجود عشان عاوزكوا يوم القيامة تفلسوا ..

أوعوا تتولوه منكم .. أوعوا فى يوم تخسروا ..

بلاش كسل .. بلاش دلوقت هقوم أصلى ، بلاش كمان شوية  
هخلص وأقوم أصالح أمى ، بلاش هخلص اللعبة اللى فى  
إيدى بعدين أقوم المسجد ، بلاش تحزن لما تلاقي نفسك  
بتجمع صلواتك وتخسر حياتك .

بلاش تكسلى عن المذاكرة ، اللى هى طلب العلم ، أجعلى  
نيتك علم ومعرفه للكون ولله وإستغلال العلم ده ونشره على  
كل الناس .. أستغلى نفسك وبطلى بكره هعمل .. من أول  
الإسبوع هبدأ .. الساعة 8:00 بالظبط هبدأ ... بعد الفجر هبدأ  
... أبدأي حالا وإلا هتخسرى .

روى مسلمٌ أنّ رسولَ الله صلى الله عليه وسلم قال: " **إنَّ  
الملائكةَ لتضعُ أجنحتَها لطالبِ العلمِ رضى بما يصنع .**  
معناه يخفضون أجنحتهم تواضعا له، لأنهم يحبون الذي يخرج  
لطالب العلم لما يعلمون من الشأن العظيم الذي يكون له.

خليكوا فاكرين وواعيين الشيطان مش عاوزكوا تنجحوا ..

مش عاوزكوا تتقدموا ولا فى يوم تفلحوا ..

ياترى هتهزموه ولا هتقفوا جنبه ضد نفسكوا !!  
هتجحوا ولا رضيتوا بالفشل يكون عنوان ليكوا !!؟

فى إيديكوا القرار وبردوا جوا قلوبكم العنوان  
يا إما تصلحوا القلب لله وتفوزوا يا إما تسبوه يركن للدنيا  
وتخسروا نعيم الله !!



## الفصل الرابع عشر

\*\*\*\*\*

الأختلاط مشكلة كبيره ..  
أزمة كلنا بنقع فيها !

فينا اللي بيخاف على نفسه  
وفينا اللي باع القضية ورمى نفسه فيها !!

ياترى إيه عواقب الاختلاط !!  
الاختلاط فتنه عواقبه كثيره جداً ..

أولهم **قلبك هتزين المغريات له الحرام**  
هتيسر هاله وهتقدمهاله على طبق من ذهب

وما عليه غير إنه يقبل ..  
أصل الإغراء لا يُقاوم بصراحة !!

ودلوقتى سؤال ؟؟  
**ليه بنحط نفسنا فى كل ده أصلاً ؟!!!!**

**ليه بنسعى بنفسنا لفتنه روحنا !!**  
البنات منعدمتش من الدنيا عشان تروحي تسألى زميلك عن  
محاضرة نقصاكي ؟!!

ولا أنت كمان لازم تعملها حجه عشان تقرب للبننت وتفتحلك  
سكه !!  
حافظ عليها أحسن لك عشان مش هتقبل على نفسك ده يتعمل  
فى أختك ..

سياتك حضرتك الموضة اللى مشافطه بيها جسمك دى  
متنفعش ..

أحتشمى الله يرضى عنك وطرحتك تتجاوز صدرك أصل  
بصراحه غير كده اسمه منديل مش حجاب ثم إن الحجاب  
أصلا مش طرحه ولا خمار ..

**الحجاب هو ما يحجبك عن الناس** .. يعنى إنه يكون محدد  
جسمك دا مناقض تماما لكلمة حجاب .. يعنى عوزاكى لابس  
خيمة ف الشارع لا باين اولك من أخرك وفى غرفتك أنطلقى  
يا ستى براحتك ..

خدى بالك من نفسك عشان الشاب يوسعلك الطريق ويتخانق  
عشان أى مخلوق بيضايقك أحسن بكثير من أنه يفتكرك سهله  
وهو اللى يسعى لأنه يضايقك !!

**الإختلاط على الإنترنت يكمل الإختلاط فى الشارع**  
مفيش فيصل بين الإثنين فى **الحالتين ولد لبننت** بل على العكس  
على النت الموضوع أسهل بكثير ...

سهل يخدعك وسهل يقربك وسهل تصدقيه ..  
بينك وبينه شبكه بتحجب حاجات كثير ..

أبعدوا عن الفتنة من أولها لآخرها وخليكى جوهرة  
عن العيون مستخبيه وجوا قلب واحد محميه ..

اليوم هيكون والدك وبكرة يكون زوجك ربنا يرزقك ..  
ويرزق بنات المسلمين وايانا يارب



## الفصل الخامس عشر

\*\*\*\*\*

.. ( وَخُلِقَ الْإِنْسَانُ ضَعِيفًا ) ..

ربنا عارف إن إحنا ضعفاء قدام شهواتنا وملذات الحياة 😊

أيوه ربنا هو اللى خلقك وهو اللى بيقولك إنك كإنسانه ضعيفه  
^^

- ربنا عارف إني ضعيفه فعلاً ؟!!

-أيوه عارف .

- طيب ولما هو عارف بيحاسبني ليه ؟؟

- لا لا لا يا غاليه إهدى كده وأسمعيني كده .

ربنا خلقك وعارف إنك ضعيفه أه بس هوا وضع ليكى  
بوصلتك فى الحياه .

خلقك فى الدنيا وقدر ليكى أنك تدخل الاختبار .

وقالك طريقك الصحيح تروحيله منين وطريق الغلط كمان  
فين !!

قالك طريقك الصح فى إتباع دينك وحرصك على رضاه

وده بسهولة تحصلى عليهم لو أتبعتى **القرآن والسنة** .

هى دى بوصلتك اللى بقولك عليها يا غاليه وهو ده الطريق  
الصح ..

أما عن الطريق الغلط فأظنك عرفاه و عارفه نتيجهه وكثير  
عشتى فيه ☹️

هو إنك تصدق شيطانك وتسمعى له وتقتنعى بمبرراته اللى  
نهايتها النار الأبدية عافانا الله !!

انك تبعدى عن ربنا وتشوفى إنك مستحيل تفوزى بجنته !!

أنك تصدق رأى شيطانك **وتحولى نفسك لإنسانه فاشلة مع**  
**إننا فى أمس الحاجة لدورك** عشان تنفعى أمتك وتحافظى  
على كينونتك و كينونه أجيال ^^

أنك تصدقيه لما قالك بعد ذنب عملتيه أنتى تاخديها من  
قاصيرها وتريحى نفسك منتش نافعه ولا هتعرفى تثبتى على  
الطاعة أبدا ... صدقتيه عشان كده مثبتيش على الطاعة فعلاً  
!! ☹️

صدقتيه لما قالك لازم تغيرى من صاحبك دى لازم تكونى  
احسن منها وتجيبى بكرامتها الأرض .. لازم تحرجيها ولازم  
تهنيها ( **نساكى الخالق و إستجابيه ربك لدعوه المظلوم ودنوّ**  
**نفسك فى الحياة والدنيا** ) !

قالك أى حاجه حلوه فى طريقك وقدامك يا إما تبقى ليكى يا  
لصحبتك وقتها كذبتى على صحبتك وأختارتى نفسك ،  
ونسيتى حبيبك النبى عليه الصلاه والسلام لما قال : **لا يؤمن**  
**أحدكم حتى يُحب لأخيه كما يُحب لنفسه** .. خرجتى برا داييره  
الإيمان يا خصاره !!

لقيتني سائل أو مُعاق قلتى دول معاهم أحسن منى ( يا ستى  
ربك اللى بيحاسب وأنتى طلعتى بنيه صدقه وأجرىك وصلك ،  
ومتنسيش دا ماحى ذنوبك أى مَن يغسلك ) وبسهوله قولتى  
هى لله وخرجتى أقل القليل من المال له ( مش بقولك موتى  
من الجوع على حساب الصدقه دى بس بقولك أتقى الله فى  
كل محتاج ) ، مشيتى وتفاخرتى وأنتى بتعطيه ونسيتى أن  
العاطى هو الله ( متزعلش أجر صدقتك ضاع ، أصلك  
ضيعتى شروط قبولها ☹ )

وحجات كتير وكثير وكثير مفيش حصر ليها بجد والمحور  
هو (( أنتى ))

متيأسيش من رحمه ربنا أبدًا ..

بتقطعى ف الصلاه ومش عارفه تثبتى كملى واحدة واحدة  
هتكونى أتقانا .

بتكذبنى بس لسانك رطب بذكر الله كملى واوعى تحسى انك  
منافقه بالعكس أتقفل فى وشك باب من أبواب الجنة أستمرى  
فى الباب الثانى عشان تعرفى تفتحى الباب اللى اتقفل ^\_^

ربك بيقول (وَاللَّهُ يُرِيدُ أَنْ يَتُوبَ عَلَيْكُمْ وَيُرِيدُ الَّذِينَ يَتَّبِعُونَ  
الشَّهَوَاتِ أَنْ تَمِيلُوا مَيْلًا عَظِيمًا) ♥♥

يعنى قالك ، أنا عاوز أخفف عنك العذاب وقالك أن فيه ناس  
تانيه عوزينك زيهم مُتبعه للشهوات ، غاضب عنك الله ...  
أكيد مينفعش يا مسلمه !

روحي لربنا وألجئى ليه وأعلنى التوبه خالصه لوجه الله  
وأوعى الذكر يفارق لسانك هو ودعائك بيهم هيطيب قلبك  
وترجعى لربك فى سلام ♥ ..

**#توبه\_الله**

\*\*\*\*\*

همست إليك **رفيقتى** بما يجول بخاطرى فهلا تقبلتيه ؟!

وبنصحى تفهمتى ولمقصدى رغبتى ؟!

هلا عقدتى العزم على ما عنه تحدثت وستجنيبيه ؟!

رفيقتى أحبك في الله واسأله سبحانه أن تذكرينى عنده ♥  
حينما نلتقى على الثرا تذكرينى وادعوا الله أن يدخلنى

بصحبتك جنته 😊  
إن لم تجدينى فأخبرى الله عنى وأضمدى جرحى بالفوز  
بالجنة ♥♥

تمت بحمد الله

آية الله طلعت  
2015-9-12